

茅十二卷
茅二丹

毒亦應有辛兼金氣也入手太陰經苦善
洩辛則善散寒能除熱其性輕揚厥狀類肺
故能入肺除熱而使氣下降欬嗽者氣升之
病也氣降熱除嗽自平矣痰結喘促亦肺熱
病也宜并主之血痔瘻瘡無非血熱况痔病
屬大腸大腸與肺爲表裏清臟熱則腑熱亦
清矣故亦主之甄權用以治肺氣上急坐息
不得欬逆連連不止潔古用以清肺氣補肺

去肺中溼熱者皆除熱降氣散結之力也

○獨行根一名青木香治鬼疰積聚諸毒熱腫
蛇毒水磨爲泥封之日三四易立瘥水煮一
二兩取汁服吐蠱毒又搗末水調塗丁腫大
效

主治參互

馬兜鈴得桑根白皮百部天門冬桔梗蘇子
枇杷葉貝母紫菀能治一切喘嗽
聖惠方

治五種蠱毒馬兜鈴根三兩爲末分爲三貼
以水一盞煎五分去滓頓服當吐蠱出未快
再服以快爲度 又方草蠱術在西涼之西
及嶺南人中此毒入咽刺痛欲死者用馬兜
鈴苗一兩爲末以溫水調下一錢七卽消化
蠱出神效 外臺秘要解蛇蠱毒飲食中得
之咽中如有物嚙不下吐不出心下熱悶馬
兜鈴一兩煎服卽吐出又服麝香一錢七卽

吐蠱毒盡

簡要濟衆治肺氣喘嗽馬兜鈴

二兩酥炒甘草一兩水炙爲末每服一錢水

煎溫呷或以藥末含嚙津亦得 雷公云凡

采得實去葉及蔓用生絹袋盛於東屋角畔

懸令乾劈作片取向裏子去革膜取淨子焙

用

簡誤

肺虛寒作欬嗽或寒痰作喘者勿服

仙茅味辛溫有毒主心腹冷氣不能食腰脚風
冷攣痺不能行丈夫虛勞老人失溺無子益陽
道久服通神強記助筋骨益肌膚長精神明目

忌牛肉牛乳 牛血等

疏○仙茅稟火金之氣然必是火勝金微雖

雷云云桑清以清水洗淨竹刀刮去皮切豆粒大以生稀布衣衣盛於烏豆汁中浸一宿取出晒乾
云辛溫其實辛熱有毒之藥也氣味俱厚可

再用酒拌濕蒸從已至亥取出晒乾用勿犯鐵器

升可降陰中陽也入手足厥陰經命門真陽
之火即先天祖氣天非此火不能生物人非
此火不能有生故真火一衰則虛勞無子陽

道痿弱老人失溺風冷外侵爲腰脚不利攣痺不能行并不能生上以致脾虛腹冷不能食此藥味辛氣熱正入命門補火之不足則諸證自除筋骨自利皮膚自益也命門之系上通於心相火得補則君火益自振攝故久服能通神強記也長精神明目者言真陽足陰翳消肝腎俱補之極功耳

聖濟總錄仙茅丸壯筋骨益精神明目黑髮

鬚仙茅二斤糯米泔浸五日去赤水夏月浸

三日銅刀刮剉陰乾取一斤枸杞子一斤車

肉遠蒼朮二斤米泔浸五日刮皮焙乾取一斤

前子十二兩白茯苓去皮茴香炒柏子仁去

殼各八兩生地黄焙熟地黃焙各四兩為末

酒煮糊丸如梧子大每服五十九食前溫酒

下日二服

簡誤

凡味之毒者必辛氣之毒者必熱仙茅味辛
氣大熱其爲毒可知矣雖能補命門益陽道
助筋骨除風痺然而病因不同寒熱迥別施
之一悞禍如反掌况世之人火旺致病者十
居八九火衰成疾者百無二三辛溫大熱之
藥其可常御乎凡一概陰虛發熱欬嗽吐血
衄血齒血溺血血淋遺精白濁夢與鬼交腎
虛腰痛脚膝無力虛火上炎口乾咽痛失志

陽痿水涸精竭不能孕育老人孤陽無陰遺
溺失精血虛不能養筋以致偏枯痿痺胃家
邪熱不能殺穀胃家虛火嘈雜易饑三消五
疸陰虛內熱外寒陽厥火極似水等證法竝
禁用

劉寄奴草味苦溫無毒主破血下脹多服令人

痢

李時珍云其草一莖直上葉尖長
糙澁面深背淡九月莖端分兩數枝
疏○劉寄奴草其味苦其氣溫揉之有香氣

故應兼辛苦能降下辛溫通行血得熱則行

枝撐公疑十及木小死白瓣黃並此如小菊苑之能相白絮如苦黃花之祭

故能主破血下脹然善走之性又在血分故

多服則令人痢矣昔人謂為金瘡要藥又治

產後餘疾下血止痛者正以其行血迅速故

也

主治參互

集簡方治大小便血劉寄奴為末茶調空心

服二錢即止千金方治折傷瘀血在腹內

者劉寄奴骨碎補延胡索各一兩水二升煎
七合入酒及童子小便各一合頓溫服本
事方治湯火灼傷劉寄奴搗末先以糯米漿
雞翎掃上後乃搽末並不痛亦無痕大驗此
方凡湯火傷先以鹽末搽之護肉不壞後乃
搽藥爲妙 聖惠方治風入瘡口腫痛劉寄
奴爲末搽之卽止

簡誤

劉寄奴草通行走散之性專入血分病人氣
血虛脾胃弱易作泄者勿服

骨碎補味苦溫無毒主破血止血補折傷
一名狗脊

疏○骨碎補得金氣兼得石氣石者水之母

也味苦氣溫亦應有辛好生陰處故得陰氣

為多宜其入足少陰而主骨開耳入血行傷

也開元命名其義可思矣甄權用以主骨中

毒氣風血疼痛五勞六極手足不收上熱下

冷雷公用以治耳鳴戴元禮用以治刺風足
痿軟皆入腎強骨之驗也

主治參互

骨碎補得青鹽槐角炒研細擦牙能固齒

靈苑方治虛氣攻牙齒痛血出或時痒痛骨

碎補二兩銅刀刮去黃赤毛細切密潤之為者佳急用炒可也細剉瓦鍋慢火炒黑為末如

常揩齒良久吐之嚙下亦可劉松石云此方

不獨治牙痛極能堅骨固牙益精髓去骨中

毒氣疼痛牙動將落者數擦立住再不復動
經用有神 聖濟總錄治風蟲牙痛骨碎補
乳香等分爲末糊丸塞孔中名金針丸 蘇
氏圖經治耳鳴耳閉骨碎補削作細條火炮
乘熱塞之 又方病後髮落胡孫薑野薔薇
嫩枝煎汁刷之 仁存方治腸風失血胡孫
薑燒存性五錢或酒或米飲服 時珍云骨
碎補足少陰藥也故能入骨治牙及久泄痢

昔魏刺史子久泄諸醫不效垂殆用此藥末
入猪腎中煨熟與食頓住蓋腎主大小便久
泄屬腎虛不可專責脾胃也雷公用治耳鳴
耳亦腎之竅也戴元禮治痢後下虛不善調
養或遠行或房勞或外感致兩足痿軟或痛
或痺遂成痢風宜用獨活寄生湯吞虎骨四
斤丸仍以骨碎補三分之一同研取汁酒和
服之外用杜牛膝杉木節草薢白芷南星煎

湯頻頻熏洗此亦從腎虛骨痿而治也 雷

公云凡采得銅刀刮去黃赤毛細切蜜拌蒸

曝用

簡誤

不宜與風燥藥同用

連翹味苦平無毒主寒熱鼠瘦瘰癧癰腫惡瘡

瘦癧結熱蠱毒去白蟲

去穰免脹

疏○連翹感清涼之氣得金水之性本經雖

云味苦平無毒平應作辛乃爲得之潔古謂
其性涼味苦氣味俱薄輕清而浮升也陽也
海藏以爲陰中陽也入手足少陽手陽明經
亦入手少陰心經其主寒熱鼠瘦癩癧癭瘰
結熱者以上來諸證皆從足少陽膽經氣鬱
有熱而成此藥正清膽經之熱其輕揚芬芳
之氣又足以解足少陽之鬱氣清其熱散其
鬱靡不瘳矣癰腫惡瘡無非榮氣壅遏衛氣

鬱滯而成清涼以除瘀熱芬芳輕揚以散鬱
結則榮衛通和而瘡腫消矣蠱毒非熱非辛
則不成熱解則蠱自消溼熱盛則生蟲清其
熱而苦能洩蟲得苦卽伏故去白蟲甄權用
以通利五淋小便不通除心家客熱日華子
用以通小腸排膿治瘡癰止痛通月經東垣
用以散諸經血結氣聚消腫丹溪用以瀉心
火除脾胃溼熱及治中部血證以爲使海藏

用以治氣秘火炎之耳聾一皆清熱散結
氣燥溼之功也

主治叅互

得貝母白芷甘草金銀花玄參薄荷夏枯草
白及能消瘰癧加牡鼠糞人爪山豆根蒲公英
英消乳癰乳巖 簡便方治瘰癧結核連翹
脂麻等分爲末時時食之 潔古治項邊馬
刀屬少陽經連翹二斤瞿麥一斤大黃三兩

甘草半兩每用一兩煎食後熱服十餘日後
灸臨泣穴二七壯六十日決效 集驗方治
痔瘡腫痛連翹煎湯熏洗後以刀上飛過綠
礬入麝香貼之

簡誤

連翹清而無補之藥也癰疽已潰勿服火熱
由於虛者勿服脾胃薄弱易於作泄者勿服
續隨子味辛溫有毒主婦人血結月閉癥瘕疝

癰瘡血蠱毒鬼疰心腹痛冷氣脹滿利大小腸
除痰飲積聚下惡滯物莖中白汁剝人面皮去
黥黯苗如大戟一名拒冬一名千金子

李時珍曰凡用去殼取色白者頻以飯包搥去油淨取霜用

疏○續隨子味辛氣溫而其性有毒實攻擊
尅伐之藥也長於解蠱毒鬼疰以致腹痛脹
滿攻積聚下惡滯物及散痰飲至於婦人月
閉癥瘕疰癰瘡血大小腸不利諸病則各有
成病之由當求其本而治不宜槩施蓋此藥

之爲用乃以毒攻毒之功也

主治參互

聖濟錄治小便不通臍腹脹痛不可忍用續
隨子一兩鉛丹半兩同少蜜搗作團瓶盛埋
陰處臘月至春末取出研蜜丸梧子大每服
二三十丸木通湯下 又方治涎積癥塊續
隨子三十枚膩粉二錢青黛炒一錢研勻糯
米飯丸芡子大每服一九打碎以大棗一枚

燒熟去皮核同嚼冷茶送下半夜後取下積
聚惡物爲效 崔元亮海上方治蛇咬腫悶
欲死用重臺六分續隨仁七粒搗篩爲散酒
服方寸七兼唾和少許塗咬處立效 普濟
方治黑子疣贅續隨子於熟時塗之自落

簡誤

病人元氣虛脾胃弱大便不固者禁用

山豆根味甘寒無毒主解諸藥毒止痛消瘡腫

毒人及馬急黃發熱欬殺小蟲生劔南山谷
蔓如豆

疏○山豆根得土之冲氣而兼感冬寒之令
以生故其味甘苦其氣寒其性無毒甘所以
和毒寒所以除熱凡毒必熱必辛得清寒之
味甘苦之味則諸毒自解譬大人盛德與物
無競卽陰毒忤害遇之不起矣故爲解毒清
熱之上藥凡痛必因於熱毒解熱散則痛自

止瘡腫自消人馬急黃乃血熱極所發故必
發熱熱氣上熏則發欬嗽諸蟲亦溼熱所化
故悉主之而多獲奇效也

主治參互

山豆根入散乳毒藥中能消乳巖 備急方
解中蠱毒密取山豆根水研服少許未定再
服已禁聲者亦愈 又方治五般急黃山豆
根末水服二錢若帶蠱氣以酒下 又方治

赤白滯下山豆根末蜜丸梧子大每服二十
丸空腹白湯下三服當自止 又方治頭風
熱痛山豆根末油調塗兩太陽 又方治牙
齦腫痛山豆根一片含於痛所 永類方治
喉癰山豆根磨醋噙之追涎卽愈勢重不能
言者頻以雞翎掃入喉中卽引涎出立能言
語 經驗方治麩豆諸瘡煩熱甚者水研山
豆根汁服少許 備急方治疥癬山豆根末

臘豬脂調塗

楊清叟外科治喉風急證牙

關緊閉水穀不入山豆根白藥子等分水煎
噙之嚥下二三口卽愈

簡誤

病人虛寒者勿服

白附子主心痛血痺面上百病行藥勢

趙畧煨良

疏○白附子感陽氣而生故其味應辛微甘
氣大溫有小毒性燥而升風藥中之陽草也

東垣謂其純陽引藥勢上行是已其主心痛
血痺者風寒之邪觸心以致痰壅心經則作
痛寒溼邪傷血分則成血痺風能勝溼辛溫
散寒故主之也風性升騰辛溫善散故能主
面上百病而行藥勢也日華子用以治中風
失音一切冷風氣面疝癩疵李珣用以治諸
風冷氣足弱無力疥癬風瘡陰下溼痒頭面

疔痕入面皆用丹溪用以治風痰皆祛風燥

溼散結之功也

主治參互

白附子得南星半夏能豁風痰暴壅而有寒

邪者爲要藥

同膽星全蝎白殭蠶釣藤天

竺黃白檀香牛黃能治小兒急驚 濟生方

治痰厥頭痛同天麻半夏南星等分生薑汁

浸蒸餅丸菜豆大每服四十九丸食後薑湯下

簡便方治赤白汗斑白附子硫黃等分爲

末薑汁調稀茄蒂蘸擦日數次
衛生易簡
方治面上疔黯白附子爲末臥時漿水洗面
以白蜜和塗紙上貼之久久自落

簡誤

白附子燥藥也似中風證雖痰壅禁用小兒
慢驚不宜服

唐藿味苦平無毒主蠱毒女子腰腹痛不樂腸
癰瘰癧瘡氣

疏○鹿藿稟地中之陰氣以生故其味苦氣
平無毒入足陽明太陰厥陰經解毒涼血之
藥也惟其解毒故主蠱毒惟其涼血故主腸
癰瘰癧瘍氣女人以血爲主血虛有熱則腰
腹痛不樂得苦涼之氣則熱退而血得所養
故主女人腰腹痛不樂也方藥不復用人亦
罕識故不著叅互及簡誤

預知子味苦寒無毒殺蟲療蠱治諸毒傳云取

二枚綴衣領上遇蠱毒物則聞其有聲當便知之有皮殼其實如皂莢子去皮研服之有效

疏○預知子感陰寒之氣以生故其味苦其氣寒其性無毒凡蠱毒多辛熱之物所造故宜苦寒以泄其熱毒熱毒既解則蠱不靈矣凡蟲皆溼熱所生蟲得苦則伏故殺蟲之藥多苦多寒也此草中之有靈性者故其命名如此又名仙詔子聖知子聖先子蜀人貴重

云亦難得采無時其根味苦性極冷其效愈
於子山民目爲聖無憂冬月采陰乾石臼內
搗末篩細凡中蠱毒則水煎三錢七溫服立
已日華子又云盍合子溫治一切風補五勞
七傷其功不可備述并治疰癘氣塊天行溫
疾消宿食止煩悶利小便催生解毒藥中惡
失音髮落傳一切蛇蟲蠶咬

主治參互

和劑局方預知子丸治心氣不足精神恍惚
言語錯妄忪悸煩鬱憂愁慘懣善怒多恐健
忘少睡夜多異夢寤卽驚魘或發狂眩暴不
知人竝宜服此預知子去皮白茯苓枸杞子
石菖蒲茯神栢實人參地骨皮遠志山藥黃
精丹砂等分爲末煉蜜丸芡實大每嚼一丸
人參湯下 聖惠方治耳卒聾八月取石榴

開一孔留蓋入米醋滿中蓋定麪裹煑火中

煨熟取出入仙詔子黑李子未取水滴耳中
腦痛勿驚如此二夜又點一百

簡誤

預知子苦寒能利凡病人脾虛作泄瀉者勿
服

木賊味甘微苦無毒主目疾退翳膜又消積塊
益肝膽明目療腸風止痢及婦人月水不斷得
牛角鯁麝香治休息痢歷久不差得禹餘糧當

歸芎藭療崩中赤白得槐鷲桑耳腸風下血服
之效又與槐子枳實相宜主痔疾出血

疏○木賊草感春升之氣故應味甘微苦而
性則無毒入足厥陰少陽二經血分故首主
目疾及退翳膜益肝膽而明目也又療腸風
止痢及婦人月水不斷則消之中又有止之
義矣其主積塊療腸風止痢及婦人月水不
斷崩中赤白痔疾出血者皆入血益肝膽之

功肝藏血故也

主治參互

木賊得穀精草決明子白蒺藜蟬蛻生地黃

甘菊花蜜蒙花治目疾久不愈消翳障有奇

功得槐角子桑耳煨存性地榆茜草根治

腸痔下血多效廣利方治瀉血不止木賊五錢

十二分切以水二升煎取八合去滓空心溫

聖惠方誤吞木賊為末雞子白調服一錢

二分服如人行五里再服衍義云治小腸

膀胱氣木賊細剉微焙搗爲末沸湯點二錢
食前服必效

簡誤

目疾由於怒氣及暑熱傷血暴赤腫痛者非
其所任

蒲公英味甘平無毒主婦人乳癰腫水煮汁飲
之又封之立消

疏○蒲公英得水之冲氣故其味甘平其性

無毒當是入肝入胃解熱涼血之要藥乳癰
屬肝經婦人經行後肝經主事故上婦人乳
癰腫乳毒竝宜生散之良

主治參互

蒲公英得夏枯草貝母連翹白芷栝樓根橘
葉甘草頭垢牡鼠糞山豆根山慈菘治一切
乳癰毒腫痛及治乳巖爲上藥 圖經治惡
刺及狐尿刺摘取根莖白汁塗之惟多塗立

差此方出孫思邈千金方其序云余以貞觀
五年七月十五日夜以左手中指背觸着庭
水至曉遂患痛不可忍經十日痛日深瘡日
高大色如熟小豆色嘗聞長者之論有此方
遂依治之手下卽愈痛亦除瘡亦卽瘥未十
日而平復如故楊炎南行方亦著其效云
梅師方治產後不自乳兒畜積乳汁結作癰
取蒲公草搗傅腫上日三四度易之 此草

單治乳癰及腫毒性既甘平無毒又乏他用
故無簡誤

穀精草味辛溫無毒主療喉痺齒風痛及諸瘡
疥飼馬主蟲顙毛焦等病

一名戴星草

疏○穀精草得金氣故味辛所言氣溫者應
曰微溫故其性無毒入足厥陰經又入足陽
明經補肝氣之要藥也辛能散結微溫能通
氣喉痺者手少陰心火與足少陽相火相扇

上壅而成散二經之火則氣通而無所結滯
矣齒風痛者陽明胃家風火熱盛上衝之所
致也熱則生風風火相搏故發齒風痛也諸
瘡疥之生皆由於血熱諸痛痒瘡瘍皆屬心
火藥宜辛散故悉主之其用以飼馬主蟲顛
毛焦等病者以馬性多熱又爲風熱所傷故
主之也以其入肝補益肝氣故爲治目散
之上藥而本經不載是謂闕文

主治參互

穀精草得決明子木賊草甘菊花蜜蒙花生
地黃專除目病障翳 集驗方治偏正頭痛

用穀精草一兩爲末以白麩糊調攤油紙上

貼痛處乾換 聖惠方治鼻衄不止穀精草

爲末熟麩湯服二錢 明目方治目中翳膜

穀精草防風等分爲末米飲服之甚驗 邵

真人濟急方治痘後目翳隱澀淚出久而不

退用穀精草爲末以肺或猪肝片蘸食一方
加蛤粉等分同入猪肝內煑熟日食之 衛
生家寶方治小兒雀盲至晚或不見物用羯
羊肝一具不用水洗竹刀剖開入穀精草一
撮瓦礮煑熟日食之屢效忌鐵器如不肯食
炙熟搗作丸菘豆大每服三十九茶下 保
幼大全治小兒中暑吐瀉煩渴穀精草燒存
性用器覆之放冷爲末每冷米飲服半錢

此藥味淡性無毒喉痺齒痛目

外無他

用故不著簡誤

夏枯草味苦辛寒無毒主寒熱瘰癧鼠瘻頭瘡

破癥散癭結氣脚腫溼痺輕身

土瓜爲之使

疏○夏枯草得金水之氣故其味苦辛而性

寒無毒爲治瘰癧鼠瘻之要藥入足厥陰少

陽經丹溪謂其補厥陰肝家之血又辛能散

結苦寒能下泄除熱故治一切寒熱及消瘰

癰鼠瘦破癥散癭結氣頭瘡皆由於熱脚腫
溼痺無非溼熱所成熱消結散溼去則三證
自除而身亦輕矣

主治參互

夏枯草得連翹忍冬藤貝母玄參薄荷栝樓
根紫背天葵蓖麻子仁甘草治一切癰癧有
效得蒲公英治一切乳癰乳巖方具蒲公英
草條下單取數兩水煮濃汁入生甘菊紫

花地丁忍冬藤連翹白及白欬甘草生地黃
白芷半枝蓮消一切癰疽腫毒止痛有神此
複方也 簡要濟衆方治肝虛目睛疼冷淚
不止血脈痛羞明怕日夏枯草半兩香附子
一兩爲末每服一錢茶調下 衍義云古方
用以燒灰合潔面藥初生嫩時作菜食之須
浸洗淘去苦水 此草無毒除治瘰癧鼠瘻
及散癭結氣消癰腫乳毒之外無別用故不

著簡誤

山慈菰根有小毒主癰腫瘡癩癰癰結核等醋

磨傅之亦剝人面皮除奸黷

李時珍云冬月生葉如水仙花之葉而狹二月抽莖如箭絲高尺許莖之端開花白色

疏○山慈菰味辛氣寒善散熱消結故主癰

亦有紅色黃色者上有黑點其花乃雙花簇成一朵如綠紐或可愛三月結子有三稜

腫瘡癩癰癰癰結核等昔人用醋磨傅今人亦

四月初莖枯取根有毛殼包裹用之去毛殼其根苗與老鴉蒜相似但老鴉

人服藥中產處州遂昌縣實非金燈花與鹿

蒜無毛為不同耳

蹄草葉似車前

主治參互

入玉樞丹紫金錠大內觀音救苦錠磨傅并
服消一切疔腫癰疽解一切蛇蟲毒有神方
中有大戟用此不得服甘草誤則殺人亦
入乳巖乳毒方用相宜因無別用故不著簡
誤

燈心草味甘寒無毒根及苗主五淋生煮服之

敗席煮服更良 入藥宜用生草

考時珍云灯心雜研以粳米粉搗染晒研末入水澄之浮者是灯心也晒乾用
疏○燈心草氣味甘寒則無毒可知入心小

腸藥也其質輕通其性寒味甘淡故能通利
小腸熱氣下行從小便出小腸爲心之腑故
亦除心經熱也

主治參互

燈心草以鹹酒浸透入雞子殼中封固煨存
性研細加梁上倒掛塵及青魚膽明礬銅青
點咽喉生乳蛾有神效
經驗方治小兒夜

帝用燈心堯天塗乳上與契
搽金方治波

傷多用燈心草爛嚼和唾貼之用帛裹血立
止 又方治小蟲蟻入耳挑不出者以燈心
浸油釣出蟲

簡誤

性專通利虛脫人不宜用

馬勃味辛平無毒主惡瘡馬疥一名馬庀

李時珍云凡使以生布張開將馬勃於上磨擦下以盤承取用

疏○馬勃感土金之氣而生故味辛氣平而

無毒宜其主惡瘡馬疥及止凍瘡也衍義曰

去膜以蜜採拌少以水調呷治喉痺痛則辛散之功也

主治參互

經驗良方治走馬喉痺馬屁勃卽灰菰焰硝各一兩爲末每吹一字吐涎血卽愈 普濟方治久嗽不止馬勃爲末蜜丸梧子大每服二十丸白湯下卽愈 斑瘡入眼馬屁勃蛇皮各五錢皂角子十四箇爲末入罐內鹽泥

固濟煨存性研每溫酒服一錢此間孝忠集
效方也 因無別用故不著簡誤

水蓼主蛇毒搗傅之絞汁服止蛇毒入內心悶
煮漬搗脚消氣腫

疏○水蓼感金水之氣而兼有土故味辛性
冷而無毒陰中微陽冷而辛所以能解蛇毒
入內心悶及水煮漬搗脚消氣腫也

主治參互

集驗方治脚痛成瘡先判水蓼煮湯令溫熱
得所頻頻淋洗瘡乾自安 衍義治癩癧水

紅子不拘多少微炒一半生用一半同爲末
好酒調二錢日三服食後夜臥各一服破者
亦治

海金沙主通利小腸得梔子馬牙硝蓬砂共療
傷寒熱狂

疏○海金沙味甘淡氣寒性無毒甘寒淡滲

之藥故主通利小腸得牙硝梔子皆鹹寒苦寒之極又得蓬砂之辛所以能治傷寒熱狂大熱當利小便此釜底抽薪之義也淡能利竅故治熱淋血淋膏淋等病乃手太陽小腸經藥也

主治參互

夷堅志治熱淋急痛海金沙草日中曝之令小乾紙襯以杖擊之有細沙落紙上旋收之

且曝且擊以沙盡爲度研細煎生甘草湯調

服二錢 圖經本草治小便不通臍下滿悶

海金沙一兩臘南茶半兩搗碎每服三錢生

薑甘草煎湯下日二服 仁存方治膏淋如

油海金沙滑石各一兩甘草梢二錢半爲末

每服二錢麥門冬煎湯服日二次 普濟方

治血淋痛澀但利水道則清濁自分海金沙

末新汲水或沙糖水服一錢 蘭臺秘藏治

脾溼腫滿腹脹如鼓喘不得臥海金沙散用
海金沙三錢白朮四兩甘草半兩牽牛子一
兩半爲末每服一錢煎倒流水調下得利爲
妙元氣虛人禁服此方

簡誤

海金沙性淡滲而無補益小便不利及諸淋
由於腎水真陰不足者勿服

草三稜根味甘平溫無毒療產後惡血通月水

血結墮胎破積聚癥瘕止痛利氣一名雞爪三稜

疏○草三稜卽雞爪三稜與京三稜其實一類但以所產之地與形質不同爲別耳破散剋削之性一同乎京三稜故叅互簡誤亦同茲不復贅

鹿藥味甘溫無毒主風血去諸冷益老起陽浸酒服之生姑臧巴西根苗竝似黃精根鹿好食

俗呼鹿跑草
又名延壽果

疏○鹿藥得土中陽和之氣以生故其味甘
其氣溫其性無毒甘能益血甘能入脾甘溫
益陽氣故能主風血去諸冷而益老起陽也
當與黃精萎蕤枸杞之類同科氣味和平性
本無毒補益之外無別治療故不著主治簡
誤

草石蠶生高山石上根如箸上有毛節如蠶葉

似卷柏山人取浸酒除風破血主溪毒煮食之

疏○按草石蠶本經無味予見明州好事者
以水漬羊肚石種之盤生石儼類蠶形得水石
之氣性必清寒故能解毒予少時見一老醫治毒
痢下血久不愈方中有之後予按其法試用良驗

主治參互

草石蠶同川連白芍藥各酒浸炒肉豆蔻糯粉
裏煨蓮肉白朮豆俱炒橘皮炙甘草升麻山查

和爲末蜜湯調服治久痢不止往往獲效當是
涼血破瘀血消積滯之功也無別用故不著簡訣
漆姑草氣辛烈主漆瘡按研傅之熱更易亦

溪毒瘡

疏○漆姑草藏器云氣辛烈然覩其多生石
間及墻墀陰處必是辛苦寒之藥辛能散苦能
泄故主漆瘡溪毒瘡及大人小兒丹毒總之其氣
味辛涼治一切血熱爲病之要藥也